

清詩話



一瓢詩話自序

掃葉莊一瓢耕牧且讀之所也。維時殘月在窗。明星未稀。驚烏出樹。荒
雞與飛蟲相亂。雜沓無序。少焉曉影漸分。則又小鳥鬪春。閒關啁啾。盡
巧極靡寂。澹山林喧若朝市。不知何處老鶴橫空而來。長唳一聲。羣鳥
寂然。四顧山光。直落簷際。清淨耳根。始爲我有。于是盥漱初畢。伸紙磨
墨。將數月以來與諸同學及諸弟子。或述前人。或據已意。擬議詩古文
辭之語。或莊或諧。錄其尤者。爲一集。錄竟。讀之如瞰蠶羹。寸寸各具酸
鹹。要不與珍錯同登樽俎。亦未敢方乎橫空老鶴。一聲長唳。一瓢薛雪。
書于掃葉莊。

一瓢詩話

河津薛 雪生白著

無錫丁福保仲祐訂

趨家之訓。首及詩。詩以道性情。感志意。關風教。通鬼神。倫常物理。無不畢具。以擊壞康衢爲發源。由三百篇而降。則濫觴于漢魏六朝。浸廣于唐宋元明。以及昭代。何世無詩。但日趨日下。去本一步。呈盡千媚。昔人已有詩亡之歎。況今日乎。有志者當自具隻眼。溯流而上。必得其源。學詩須有才思。有學力。尤要有志氣。方能卓然自立。與古人抗衡。若一步一趨。描寫古人。已屬寄人籬下。何況學漢魏。則拾漢魏之唾餘。學唐宋。則啜唐宋之殘膏。非無才思學力。直自無志氣耳。吾師橫山先生云。剽竊古人似。則優孟衣冠。不似。則畫虎不成。與其假人餘焰。妄僭霸王。孰若甘作偏裨。自領一隊。不然。豈獨風雅掃地。其志術亦可窺矣。

作詩必先有詩之基。胸襟是也。有胸襟然後能載其性情智慧。隨遇發生。隨生卽盛。千古詩人推杜浣花。其詩隨所遇之人之境之事之物。無

處不發其思君王憂禍亂悲時日念友朋弔古人懷遠道凡歡愉憂愁離合今昔之感一一觸類而起因遇得題因題達情因情敷句皆由有胸襟以爲基如時雨一過天矯百物隨地而興生意各別無不具足王右軍以書法立極非文辭名世蘭亭之集名流畢至使時手爲序必極力鋪寫訣美萬端決無一語稍涉荒涼者而右軍寥寥數語託意于仰觀俯察宇宙品類之感慨而極于死生則右軍之胸襟何如昭明文選不收此序蘇東坡以小兒強作解事斥之亦屬快心

既有胸襟必取材于古人原本三百篇楚騷浸淫乎漢魏六朝唐宋諸大家皆能會其指歸得其神理以是爲詩正不傷庸奇不傷怪麗不傷浮博不傷僻決無剽竊吞剝之病矣

詩文與書法一理具得胸襟人品必高人品既高其一謳一歎一揮一灑必有過人處趙松雪云右軍人品甚高故書入神品奴隸小夫乳臭之子朝學執筆莫已自誇其能薄俗可鄙可鄙此言不特論書直與學者當頭一棒

柳公權云心正則筆正要知心正則無不正學詩者尤爲喫緊蓋詩以道性情感發所至心若不正豈可含毫覓句或問曰謠云歪詩何謂也余曰詩者心之言志之聲也心不正則言不正志不正則聲不正心志不正則詩亦不正名之曰歪不亦宜乎

作詩家數不必畫一但求合律便可造進譬如作樂八音迭奏原各就其所發以成之聖人聞之三月忘味何也知其所以然始可與言詩矣觀周樂一篇是作詩指南進學解一篇是作文宗旨學者當于此體會近今詩家侈談古詩而薄近體欲爲藏拙計耳又有一類故爲佶屈聱牙者絕似地獄變相適足以驚婦人孺子不直識者一笑如士大夫書學不精晚年輒遁入隸篆希圖掩醜殊不知筆法杜撰字形舛錯以無師之智竊弄于時視此何異

杜少陵李青蓮雙峰並峙不可軒輊然青蓮畢竟有一點不及少陵處學者當自悟入

作詩能不隸事而渾厚老到方是實學若據摭故實翻騰舊句或故尋

僻奧以炫醜博乍可潛形牛渚終遭溫嶠然犀

火候未到徒擬平澹何啻威喜丸費盡咀嚼斐然滿口終無氣味
不去纖響惟務雕績僅同百衲琴軒湊雖工膠滯清音究非上品
講解切不可穿鑿傅會議論切不可欹刻好奇未能灼見不妨闕疑如
竹坡老人駁柳子厚別弟宗一詩末句云欲知此後相思夢長在荆門
郢樹烟謂夢中安能見郢樹烟只當用邊字蓋前有江邊故耳此語已
屬夢中說夢後又改云欲知此後相思處望斷荆門郢樹烟是覺不醒
矣殊不知別手足詩辭直而意哀最爲可法觀此一首無出其右

杜樊川示阿宣詩云一子呶呶喧相門宣乎須記若而人長林管領閒
風月曾有佳兒屬杜筠杜筠究不知何許人或牧之曾以一子繼之或
筠有佳兒牧之贊歎之俱未可定乃癸辛雜識周必大曰池陽集載杜
牧之守郡時有妾懷姪而出之以嫁州人杜筠生子卽荀鶴也此事人
罕知之余過池嘗有詩云千古風流杜牧之詩材猶及杜筠兒向來稍
喜唐風集今悟樊川是父師是成何語且必欲證實其事是誠何心汚

嶺樊川已屬不堪于彥之尤不可忍楊森嘉樹曾引太平杜氏宗譜辨之殊合鄙意

杜詩雨拋金鎖甲苔臥綠沈槍薛氏補遺引解太鑿周少隱非之極是而自解則云甲拋于雨爲金所鎖槍臥于苔爲綠所沈夫槍爲苔埋爲綠所沈猶可若甲拋于雨爲金所鎖荒謬甚矣鎖子甲綠沈槍原是上將之物浣花所用現成器名何必扭捏總之不諳武備自呈敗缺又且造語不精故云不破萬卷書不行萬里程讀不得杜詩

晁以道藏宋子京手抄杜詩內換握節漢臣歸爲禿節新炊閒黃粱爲聞黃粱以道跋云前輩見書自多不似晚生少年但以印本爲正也余謂此是好事愚人僞作宋抄本欺世并以道跋亦是假者何也握字有我心匪石之義閒字有老少異糧之訓何等委曲換郤禿字聞字呆板無味損盡精采吾輩尙無此等惡作況少陵詩聖邪

讀書先要具眼然後作得好詩切不可誤認老成爲率俗纖弱爲工緻悠揚宛轉爲淺薄忠厚懇惻爲麤鄙奇怪險僻爲博雅佶屈荒誕爲高

古纔是學者。

詩不可無爲而作。試看古人好詩。豈有無爲而作者。必不是好詩。

人知作詩避俗句。去俗字。不知去俗意。尤爲要緊。
一部杜浣花集。字字白虹。聲聲碧血。讀至悠悠委薄俗。鬱鬱回剛腸之
句。尤覺心墮魂折。

有一種故實字句。入不得詩者。如稀稗相似。斷宜拔去。方不敗苗。
格律聲調字法句法。固不可不講。而詩卻在字句之外。故三百篇及漢
魏古詩。後章與前章略換幾句幾字。又是一種詠歎丰神。令人吟繹不
厭。後世徒于字句求之。非不工也。特無詩耳。

對仗之法。古人讀書多用法備。常有不似對而實對者。淺言之。如尋常
對七十之類。又有兩字對一字者。頗多。不可不自理會。動云刊誤。惟朴
浣花問知人客姓。誦得老夫詩之句。疑來字與人字流傳易訛。恐是問
知來客姓。苦無善本爲證。

得句先要鍊去板腐後人于高遠處則茫然不會于淺近處最易求疵如溫太原早行詩鷄聲茅店月人跡板橋霜未嘗不佳而俗子偏指摘之謂似村店門前對子若余早行所作朝暾迷海角殘月掛春城又不知遭如何指摘也

古人用字之法極妙曾見善本樊川集杜詩韓筆愁來讀筆字何等靈妙俗本刻作杜詩韓籍愁來讀神韻頓損

籌筆驛筆字不可實作筆墨之筆字用唐人如杜樊川之揮毫勝負知李玉溪之徒令上將揮神筆皆實作筆墨之筆用矣小李杜尙欠主張況他人乎

有志學詩不必定取某人終日刻畫只將古人詩游詠久之動筆便合書畫亦然但將法書名畫終歲把玩久之下筆自然超脫若印定鍾張板摹董巨以期名世愚哉

張表臣駁老杜軒墀曾寵鶴小杜欲把一麾江海去以爲誤用懿公好鶴與顏延年詩意殊不知二公非死煞用事者其好處正是此種吾師

橫山先生惡此等咬文嚼字。因摘取杜少陵似有可議而實無可議之句。戲代俗子評駁。摹寫妄人口吻。句句酷肖。令人捧腹。恨不能悉記。聊

述數語。以共欣賞。自是秦樓壓鄭谷。俗子必曰秦樓與鄭谷
不相屬壓鄭谷何出

愚公谷口村。

必曰愚公谷也

從無村字
押韻杜撰參軍舊紫鬚。必曰晉有鬚參軍紫鬚
另是一人杜撰牽合

河隴降王款聖朝。必曰降則款矣款則降矣字眼重出湊句

王

綱尙旒綴。必曰綏旒
倒用何出

不聞夏殷衰。中自誅褒姐。必曰褒姐是殷周與夏無涉

前軍蘇武節。

將呂虔刀。必曰蘇武前軍
乎呂虔左將乎

第五橋邊流恨水。皇陂亭北結愁亭。必曰恨水愁亭何出牽橋陂尤杜撰

但訝鹿皮翁忘機對芳草。必曰鹿皮翁對芳草事何出

舊諳疏懶叔。必曰懶是嵇康牽阮家不上

囚梁亦固

局。必曰固局
押韻何出

歷下辭姜被。關西得孟鄰。必曰姜被孟鄰豈歷下關西事

處士禰衡俊。

必曰禰衡稱俊何出
斬

木火井窮猿呼。必曰斬木一事火井一事窮猿呼一事硬牽合

片雲天共遠。永夜月同孤。落日心猶壯。

秋風病欲蘇。必曰言片雲言天言永夜言月言秋風二十字中重見疊出無法之甚

永負蒿里餞。必曰蒿里錢何出

不見杏壇丈

必曰函丈邪可單用丈字邪抑指稱孔子邪

侍祠恧先露。必曰恧先露不成文費解

涇渭開愁容。

必曰涇渭亦有愁容邪

氣劖屈賈

壘。目短曹劉牆。必曰屈賈壘曹劉牆何出

管寧紗帽淨。必曰改皂爲紗取叶平仄杜撰

潘生驂閣遠。必曰散騎省曰驂閣有出

否豺搆哀登楚。必曰王粲七哀詩豺虎方遘患登荆門樓五字何異蛙翻白出闕邪

楚星南天黑。蜀月西霧重。必曰楚星蜀月西霧

何傾銀注玉驚人眼。必曰銀瓶邪玉盃邪杜撰不成文且俗

郭振起通泉。必曰郭元振去元字何據嚴家聚德星必

閭嚴遂州以聚德星屬嚴家則一部千家姓家家可聚德星矣。把文驚小陸。必曰小陸何人邪先儒曾抱麟。必曰即泣麟耶抱字何出修

文將管輅。必曰修文悠悠伏枕左書空必曰左字何解。只同燕石能星隕。必曰隕石也涼

憶峴山嶺。必曰峴山之涼有出乎名參漢望苑。必曰博望苑去博字杜撰馮招疾病纏。必曰左思詩馮公豈不偉白首不見招曰馮招

可乎以疾病屬馮尤無謂。必曰韋白首不是事牽合章經亞相傳。必曰韋白首不是事牽合舌存恥作窮途哭。必曰不是嫌疑陸賈裝

必曰馬援薏苡嫌疑乎穀貴沒潛夫。必曰王符以陸賈裝有何嫌疑乎穀貴沒乎。

看詩須知作者所指。纔是賈胡辨寶。若一昧率執已見。未免有吠日之誚。一友作秋雨詩。首句云雨入秋來密。蓋實指其時也。有人評之曰。起句太率。嫌入春入夏入冬皆可。余聞之不覺失笑。曰杜浣花年過半百。不稱意。亦覺太率。人生不稱意三十四六七十七十皆可。何獨半百邪。座客無不絕倒。

一友與余論詩。引朱竹垞王阮亭兩先生云。杜詩中老去詩篇渾漫興是漫與錢虞山改爲漫興。余曰。先曾祖注杜詩一首。今坊間流傳杜詩七律薛注者是也。係天啟初刻本。其中亦是漫興。可見虞山箋本以前。已皆如是。若果所改。必非無據。朱王兩公南北名家。騷壇宗匠。亦非無

見者改漫與而對深愁恐無其說姑互存之。

有唐一代詩人惟李玉溪直入浣花之室溫飛卿段柯古諸君雖與並名不能歷其藩翰後人以獺祭毀之何其愚也試觀獺祭者能作得半句玉溪詩否。

玉溪錦瑟一篇解者紛紛總屬臆見余幼時好讀之確有悟入覓解人甚少此詩全在起句無端二字通體妙處俱從此出意云錦瑟一絃一柱已足令人悵望年華不知何故有此許多絃柱令人悵望不盡全似埋怨錦瑟無端有此絃柱遂致無端有此悵望卽達若莊生亦迷曉夢魂爲杜宇猶託春心滄海珠光無非是淚藍田玉氣恍若生煙觸此情懷垂垂追溯當時種種盡付惘然對錦瑟而興悲歎無端而感切如此體會則詩神詩旨躍然紙上又如無題四首之四意云永巷櫻花哀絃急管白日當天青春將半老女不售少婦同牆對此情景其何以堪展轉不寐直至五更梁燕聞之亦爲長歎此是一副不遇血淚雙手掬出何嘗是豔作故公詩云楚雨含情俱有託早將此意明告後人。

詩人非雄才閒出。豈能上薄風騷。卽有師承力學。亦不敢揚蹠而進。何期今日闡闡鄙夫。乳臭廝養。手持四聲一本。口哦五言七言。詩道之不幸也如此。尙欲不愧不怍。侈言于人。曰近體我薄爲之。作詩庶幾擬古。及觀其所作。比近體不過稍增幾句。不工不緻。不唐不宋之語。尋繹其所擬何人。究無著落。可知擬古二字。尙不得解。而欲擬古詩邪。

吾師橫山先生誨余曰。作詩有三字。曰情。曰理。曰事。余服膺至今。時理會者。

得體二字。詩家第一重門限。再越不得。倘然不夢而囁。不病而呻。豈非大不祥乎。

樂府最得風騷神理。學者于古今樂府。不可不澄心靜慮。玩索窮研。以求必得。○唐人樂府。首推李杜。而李奉禮溫助教尤宜另炷瓣香。

近體意旨。雖在章句字法之間。郤不印定。故唐人有通首不對者。有通首全對者。非有意爲之。

獨往山人黃遵古與余同客武林幕府。朝夕觀其作畫。其正處精神。多

在側處渲染.近處位置.又從遠處襯貼.濃不傷癡.澹不嫌寂.氣運蓬勃而出.一時筆墨都化微乎微乎.畫之道.詩之道.文之道也.

從來偏嗜.最爲小見.如喜清幽者.則細痛快淋漓之作.爲憤激爲叫囂.喜蒼勁者.必惡宛轉悠揚之音.爲纖巧爲卑靡.殊不知天地賦物.飛潛動植.各有一性.何莫非兩閒生氣以成此理.有固然無容執一橫山先生云.天道十年而一變.無事無物不然.豈獨詩乎.就三百篇而論.風有正風.有變風.雅有正雅.有變雅.變雅已不能不由正而變.吾夫子亦不能存正而刪變也.後此爲風雅之流者.其不能伸此而詛彼也明矣.

曾受韜鈴之法于蹇翁.揣摩久之.雖變化無窮.不出奇正二字.從受詩古文辭之學于橫山.亦不越正變二字.譬夫兩軍相當.鼓之則進.麾之則郤.壯者不得獨前.怯者不得獨後.兵之正也.出其不意.攻其無備.水以木鑿而渡沙可唱籌而量.兵之奇也.溫柔敦厚.纏綿悱惻.詩之正也.慷慨激昂.裁雲鏤月.詩之變也.用兵而無奇正.何異驅羊.作詩而昧正變.真同夢囈.然兵須訓練于平時.詩要冥搜于象外.

一題到手必觀其如何是題之面目如何是題之體段如何是題之神魂做得題之神魂搖曳則題之面目體段不攻自破矣無所觸發搖筆便吟村學究之流耳何所取裁橫山先生有云必先有所觸而興起其意其辭其句劈空而起皆自無而有隨在取之于心出而爲情爲景爲事人未嘗言之而自我始言之故言者與聞其言者誠可悅而永也

王次回云詩家窠臼宜翻洗人日慵拈薛道衡次回團香縷雪手也乃有此金針度人之語不落窠臼始能一超直入若拖泥帶水終是土氣息泥滋味

用前人字句不可并意用之語陳而意新語同而意異則前人之字句卽吾之字句也若蹈前人之意雖字句稍異仍是前人之作嚼飯餵人有何趣味

昌黎先生云陳言務去可知不去陳言終無新意能以陳言而發新意纔是大雄古今來能有幾人若以餕釘爲有出拾綴爲摹神已落前人

圈闈。豈能自見性情。

人言應制早朝等詩從無佳作非也此等詩竟將堂皇冠冕之字纏成善頌善禱之辭獻諛呈媚豈有佳作若以堂皇冠冕之字寓箴規陳利弊達萬方之情于九重之上雖求其不佳亦不可得也余選唐詩正雅集中頗有此等詩未嘗不佳但後人作此措辭鍊句切須顧慮周詳母致與璧俱碎則盡善矣杜浣花五夜漏聲催曉箭一篇眞言者無過聞者足戒安得不尊爲詩家之大成邪

運會日移詩亦隨時而變其實羲皇一畫未嘗澌滅何以有一種人談唐宋而下詆若仇讐以宋詩比擬其作卽艴然不悅吾嘗永夜思之不得其解

詩文無定價一則眼力不齊嗜好各別一則阿私所好愛而忘醜或心知或親串必將其聲價逢人說項極口揄揚美則牽合歸之疵則宛轉掩之談詩論文開口便以其人爲標準他人縱有傑作必索一瘢以詆之後生立脚不定無不被其所惑吾輩定須豎起脊梁擣開慧眼舉世

譽之而不加勸。舉世非之而不加沮。則魔羣妖黨無所施其伎倆矣。擬古二字誤盡蒼生。聲調字句若不一一擬之。何爲擬古。聲調字句若必一一擬之。則仍是古人之詩。非我之古詩也。輕言擬古。試一思之。

古人作詩到平澹處。令人吟繹不盡。是陶鎔氣質。消盡渣滓。純是清真蘊藉。造峯極頂事也。今人作平澹詩。乃才短思澀。格卑調啞。無以見長。借之藏拙。如三家村裏兒郎。見衣冠人物。其所欲言。格格不吐。與深沈寡默者截然兩途。故軒轅彌明云。時于蚯蚓竅。常作蒼蠅聲。若果才力雄厚。筆氣老勁。正不妨如快劍斫陣。駿馬下阪。又不妨如回風舞絮。落花縈絲。何必喬妝貞靜。縞素迎人。及至春心一般。蕩漾識者見之。畢竟作惡數日。

畫于絹素上觀之。觀畫也。于未到絹素上觀之。作畫也。觀畫易。作畫難。試看余寫此一幅墨蘭。汲水滌硯。洗筆磨墨時。何事非蘭。及至伸紙拂拭。未經落手。蘭在何許。一經下筆。蘭在紙上。閒不容髮。其風晴雨露之態。向背遠近之情。無不一一具在。乃至添荆棘。綴白石。蒼苔紫芝。綠竹。